

龍壁山房集卷十二

庚申集詩

辛酉

馬平王拯定甫

魯川諸君招飲席間賦示朝鮮貢使申琴泉徐漢槎趙  
蘭西三君

雪殘支鵲早春天使者相逢問日邊列座敦槃猶禮法殊  
方賓介盡風弦於今四海皆兄弟自昔荒高必聖賢泗水

尼山行過否新來魑結亦翩僊

海夷講拜曲阜  
林廟自東人云

吳桐雲舍人

大廷

匹馬出關圖紀上都昔遊也即送其

赴皖軍並懷筠仙

曾賦輕裝突騎來重關霰雪阻虺隤輝煌人馬君真健零  
落山邱我易哀滯岳風雲須壯策楚鄉榷梓盡良材角巾  
一別天長雨芳草王孫問復回

出遊屢肆偶得板橋道人畫竹一幀其自題云茆齋瘦  
竹長都成手把風枝感舊情記得讀書窗紙上爲予  
夜半起秋聲詞翰俱美有觸于余情者

一竿兩竿初長成十個五個風雨聲小窗夜讀自矚昔梢  
尾便思鸞鴛鳴鳳兮不至竹不實淇水泉源亂蕭棘青落  
瘦石誰點染使我對之忘肉食何如吳仲圭焉用文與可  
鄭虔三絕詩書畫仙骨佛心民父母想當挂冠歸去來道  
情閒拍拍冶城隈小庭種竹氣蕭索四壁蒼烟爲我迴

勛齋杏花兩株盛開時以灤陽輪扈展沐至再曾招元  
卿來觀一春風曠懶眠齋前花木憔悴碧桃一株亦  
遂萎矣夜訪元卿出示看杏花詩走筆和之

烏啼月落尊酒空東皇暮秣何匆匆東皇一別柰何許經

春不沐頭飛蓬春來九十噎與風困眠日日蝸牛宮起看  
庭樹半枯索宋玉那復窺牆東去年花開如璧月眼底仙  
源興飛越今年春比去年早好景枝頭恨如警佩玉阿儺  
愁不來武陵桃源安在哉巷南巷北車馬寂落英顛倒迷  
蒼苔吁嗟乎猶有花前我與君天教寂寞化龍雲瑤井玉  
繩相對處倚樓長笛更誰聞

祁子禾庶常

世長

奉壽陽師旋里重來京師行復告歸

用坡公集中新渡寺送歐陽叔弼詩韻送之並呈師

### 相二章

惜學如冥行百年遽將半驚庸悲歷塊眉宇失精悍微官  
久懷歸爲食笑污墁迴頭二十年執挺茲門館倉皇送書  
策流涕值時難子來穆清風披闔候春旦起居時獨樂能



已置憂患誰令萊國居空壁日坐歎咄哉彼有穀積廩當  
衢萬壑懸甘井室門地爲時冠龍門有琴泉相望渺雲漢  
尾閭容百川吾學本同貫平昔觀海遊坐覺紛華斷鬢山  
一掬淚歲月忽飛彈頗聞方山深積雪春方泮新茁茁黃  
獨杖策游龍緩

天地久烽塵中原賊幾半魏我惜神都佩犢亦醜悍嗟余  
日晏眠糞朽孰彫墁街頭聞市譁恐或毀垣館酒食逐嬉  
遊羣公習危難獨君連楹讀清氣常平且胸中了涇渭隱  
約不憂患有時銜袖詩合座盡驚歎春江又登龍一敵羊  
頭萬時局憶清明識君甫年冠十年成樹木落拓笑風漢  
仕學百胡淹囊羞不成貫漏舟而破屋分作溝中斷夜來  
鷓鴣聲欲往挾弓彈層冰萃山岳何日得消泮臨岐勸停

觴聊復須臾緩

董硯秋沈仲復兩翰林招同朝鮮使樸璣卿

珪壽

展謁

顧徵君祠飲慈仁寺卽席

一春日日困風埃夜雨垂檐曉夢迴天外重逢東道使花

前同勸北邙杯傾城那直干耶器運世誰當管葛才蓮社

銷沈彭澤隱

壽詩中戒學和尚既死西峰冥霧幾時開

偶過研秋次其與海客酬和韻

東風開斷海棠窩九十青春未放歌靜喜詩篇時枉贈悶  
來車跡輒經過高齋供客愁寒具近市聞香識柰多年少  
玉堂堪羨子也從灰裏撥陰何

樸璣卿過門見訪病未出迎越日仲復招飲寓樓卽席

奉贈

夫君家第擅東洲先世承平上國遊  
蕭寺樓臺聞繫馬病  
犬門巷愧停翰文章風雅經流變  
寰海煙塵未息休爾粟  
梢頭含宿雨一尊須記竹間樓

嚴少韓 鳴琦

來都守選相依一載告歸有贈

與君先籍占遐陬幕府翩翩最勝流  
昔日少年成老大幾  
家華屋付山邱風雲驥足時須展  
枓梓荆山會見收寂寞  
相從何益爾寒藥深雪記牢愁

漢廣陽銅虎符拓本

史記孝文帝本紀二年九月初與郡國守相爲銅虎符竹使符此文

廣陽左一考漢書地理廣陽高帝燕國昭帝元鳳元年爲廣漢郡符爲諸城劉氏藏物張少微刑部得此拓本又有唐魚符二一嘉德門巡魚符一卽隨身佩符也

跋羊登山虎變鼠何況刻銅劊寸許  
書生好古矜落字摩  
搨爛斑出塵土吁嗟乎建章前殿金鳳皇  
兵符五出單于



降神君昔降燕郊壘叱咤風霆作悲喜

武周隨身龜符拓本

唐書車服志天后以元武為瑞故

鷹揚衛州府中郎將自外置阿伏師受緘大利發第一按志隨身符之制皆題其位姓名天授二年改內復所佩魚符並作龜神龍元年罷龜

君不見貞觀才人瑞元武繫纒黃金繫腰組大明早朝夜

未央癡絕雲屏怨修嫖後王恩多假紫緋六街都督生光

輝將軍告身階極品不得當壚一醅酏

戒壇寺時灤漚未成行

嗣宗悲窮途叔夜嬾箕踞言從國門道遂訪戒壇樹獅嶺

十八盤盤盤落烟霧寺門員頂見佛閣重榱挂磊落樹松

括莽蒼積霜露蚪身之而驚鬼髮蓬鬆怖或長山魍臂或

狹市兒騰九龍尤撒騰么鳳曾翔翥我來風雨會笙簫萬

靈聚凌空擎攫簡勢欲拔山去孤蟾夜不暝清影一何素  
白雲生山坳忽若太古處

潭柘寺

山行筇筍將一徑越嶠嶺蒙茸披草樹遂歷百重頂陟降  
在山間盤迴惜榛梗瀕厓忽四合一道入天迴豁然九峯  
開古剎露霄炯靈山屢虧詘始得招提境清泉緣除溜嘉  
木結陰靜茲地滴靈源空潭孰移屏蜿蜒昔施舍飯執一  
何猛龍子不歸來風泉日悽哽僧寮娟娟竹零落自青粉  
夜宿西山田家同湘芸作

澗深林僻自成村好是農家老瓦盆白酒有情能醉客青  
山無處不當門浮生搶攘思田里舊德彫零望子孫欹枕  
夢回鷓鴣語欲從何處說桃源



同湘芸過元卿夜話作

長官驄馬出無車  
饑鼠窺床壁有魚  
顛倒衣裳來野客  
寂寥衡宇似山居  
更從底事修雄職  
未擬危言博令譽  
人海不堪投足處  
短檠疏影對相於

悼亡

浮生逐大化時至  
固有常老大復何  
爲一綫未可忘室  
家憫再造似續殊  
自傷方君同壯盛  
用罔弗自量侵尋  
衰病餘形影忽蒼  
涼京宦困窮薄桂  
珠不可當感君百  
年意勉却繡梁歲  
時舉鄉風盥薦偕  
肅將春秋獨捧奠  
子立心傍徨一朝  
震兆成不育胡三  
霜異聞數疇昔爲  
子急禱禳如何弗  
天相相對日羸尪  
王事遠于役詎知  
末疾僵歸來僅留  
息萬感割我腸稜  
木苦無靈扁盧安  
所望哀哉執手

訣謂我齊彭殤蕭條庶緣絕晚嗣獨冀昌送子慘遺言忍  
余獨耆蒼

人生百宜早與子同嗟躑無爲記生初晚景柏人劇衛河  
卽青廬一月促行役蠻鄉歸萬里指揭魏城陌客蹤又越  
粵歲月幾拋擲長安久待我風厲忽鍛融渭陽推宅居車  
輦頓驚魄哀哉長孫婦劄目淚眶積周旋日泥犁三載在  
床簣微生竟不死復作東華客年時兵革生馳檄謬干策  
空還我何辭世事成跼躑康成婢遭怒穎士奴愁癖歲時  
方久長明晦或風曠豈無春秋暇花月良晨夕看君謝緋  
黛餘興掩書冊艱難病夫蹶健婦轉先兒離化一再逢愴  
念復成昔悲哉此乾坤舉目動捐搥

負性早孤特與時輒多忤行身又不掩厥器殊苦竄出門

罕同方入俗時啟侮歸來每相對胃腸少傾吐傷君從鮮  
孤兄弟多華廡由來秉質異亦不在羣咻謠詠善蛾眉何  
須同室處徂余今歲幾一室長陰雨粥粥恨羣雌詵詵望  
螽羽庸知借白首好是盤茶姥頑妾獨居幃朝啼淚如縷  
哀聲觸我聽欲避慚空堵盡篋閉經年空床日長撫桐棺  
寄蕭寺何日方吾土伯姊病衰齡言歸屢余阻將書媿羣  
從羸負能分乳吾計尙徒然灑山夢邨鷗一坏先隴側歸  
計長農圃四海孰鄉隣北門不吾窶年時依丙舍一滴頻  
澆汝

寒夜自題秋中所爲灤陽日乘卷後計一載來兩扈灤  
直觸搃萬端簡爲百韻自知凌亂複沓所不免也  
元雲塞遼穹庭宇黯如漆空齋客竟去獨寐陷憂怛攬衣



越旁皇家國感顛踣關山數行邁紀乘在書帙夜夢屢模  
糊神傷去年日蹇羸方策憊輪鞅苦奔軼層冰鬱嗟峨大  
野莽颺颺滑澁雪泥際重關慄蹉躑牽車渡狼河流洗流  
澌波浩浩古塞垣乾坤一慘慄麻鞅卑吾分不得見琤鞞  
席瓊就陋廨日夕把弗聿煙火爆溼薪陰煤暗圭華飢餐  
雜薯蕷腥酪復攬戛迴思丹稜直宮樹藹如櫛秋風起塘  
澱山水忽顏別十年議和戎戰守誤羣帥前徒又潰兵捫  
足僨轅少小臣剛襍被屢脚困衰疾朝聞狩河陽一疏空  
行併雷風徙龍湫魚鼈盡滄溟日午投國門天衢漲塵坳  
蔥靈婦人車懸罄大夫室巢覆孰卵完眼中盡鷓鴣歸來  
慘謀婦作計信吾匹分當即溝瀆誓不從竇隙星火倏當  
門官徒日敦切國中留守在鍾簾儼猶列繕甲幸可完嬰

隄詎非烈吾謀適不遂事往憶如瞥哀哉延秋門日落烏  
尾畢仙莊誰走馬魁髻夜吹鬢徒御失烟塵竄身從草莽  
籠東紛介甲蹂地亂膚髮西山迷向背白日逢鬼魅斷絕  
清水頭琅瓊青瑤玦斯時軀命賤拚與世途決揖盜孰啟  
門輪金遂成謁會朝天日闔夢夢自出入豈期佩交鞬重  
睹天王蹕艱難吾生微屢作逃縫蟲光景偏暮除旋車又  
審易宣南值餓歲情話有甥姪鄉信久浮湛歸心重迴折  
可憐雞肋味猶戀烏臺味心知百事灰祇欲空名掘詹卜  
屢未諧文書重填訕家人修雨具車子求輪鐵蘊隆火繳  
張再覓灤橋轍日車疑倒翻汗血殷轅卒天河微雲淡與  
客縣齋發關門祖餞勞萬馬秋風偏王程日百里旅宿愁  
蜚蠊一雨度石梁雙趺履重結前山蹲虎豹後嶺卧羆貔

車徒頻舍乘風水屢昏跼百盤天梯盡地底解鞍歇崢嶸  
昔冰凌魂夢忽飛越燒空氣如絲旅夜又疏泄十日酒仙  
祠重來氣嗚咽碇甸天柱崩淚雨鍾峰駟笙鶴緱山迎明  
蟾照仙闕橫空甲馬馳窗燭夜方滅從來遺萬乘誰見龍  
髯捋渥洼水飛騰神駿奮蹴蹶松風歸鶴怨華表空門揭  
哀哉帝子靈遊矣仙人筏悽悽原上天磊磊山頭岳叢帥  
壁東南躡危見材節攀迎孰慨慷誓願見風骨由來天視  
聽在民孰敢奪吾先使犬鹿爲用詎云諄簪珥我何人天  
人恨遼絕蕭條重旅病性命如罔畢經月廢櫛沐飛蓬儼  
囚桎雲中行鴈來書帛自天末秋深玉門道歸信喜倉猝  
請急朝聞諾治任暮旋發誰能一朝待祇欲晨風獻中途  
轉悽惶噩夢數心悞道旁朝飛雉向我臆爲說併日趨王



城恨恨百撞捩入門日氣瘦病婦待我訣感君息猶存見  
我語不出百年嗟黔婁歿厲幾時絕吾生行已矣送子萬  
絲畢痛定還思痛悲來欲誰述

嗣皇伏工堯

慈聖在宮闈元公方吐哺抽摧到樗質栖栖復栖栖流涕  
偶遷秩素心三兩人衡宇幸連薊日夕每過從憂余獨烏  
壺今宵朔氣厲窮巷自煨柶孤檠照絕編開視肺肝熱持  
將就爐火呵筆撮昏黥牆頭鴝鵒聲窸窣夜疑雪非鬼亦  
非人荒涼竟何物朱門昨祛篋聞惟亦久習探丸伊何爲  
毡席獨我曠成詩窗曙送爐火一星璫

元卿雲吉與湘筠兄每夕見過感賦

人去霜階月滿庭虛堂愁影畏冥冥賸開曲徑延三益肯  
把空觴對獨醒世事尙須煩斧鉞生涯何意託葭苓五湖

他日聞鷗鷺歸去孤蓬臥雨聽

臘日散直研秋招飲有作

臘日孤蹤何處歸散朝人靜獨依依那堪遠道悲新燹浙  
全但有餘潛溼故緋浙有闕讀殘律光陰能返舍迂生文  
字惜空機寒燈社酒能相慰潦倒逢君願豈違

龍壁山房集卷十三

庚申集詩

壬戌癸亥

馬平王拯定甫

壬戌春正雲吉出都兼寄令兄伯崇

伯氏儒風孰與倫  
士龍高誼亦天真  
鴈行于我猶尊禮  
驥足知君故絕塵  
萬甲羅胸人早識  
一瓊平坐獨來親  
遙知歸去連牀夜  
話到羈孤爲愴神

數日不見湘筠代柬

漫將書問抵陽城  
誰解窮途泣步兵  
博浪蒼黃羣力懦  
富春瀟灑客星明  
九衢祇覺聲名隘  
三日眞愁鄙吝成  
誰意卅年人海畔  
依然粵國兩狂生

附湘筠和作

傷心往事播春城  
痛哭何人笑步兵  
精衛有誠通帝座  
上方無劍出承明  
一時鳴鳳聲何盛  
申

衛有誠通帝座上方無劍出承明  
一時鳴鳳聲何盛申



夜聞雞夢不成迴首空山好泉水懶從詹尹卜浮生  
寄酬虛谷見懷次韻

此身合是鄧林枝老至唯應鏡未絲雞樹懶樓人盡笑鳳  
池長據我猶疑十年舊夢傷金鐏三月餘芳送酒卮五柳  
門風羨梨棗春醪何以慰衰遲

附虛谷來詩 知君心是後凋枝垂上青雲髻欲絲汲  
黯守高終伉厲馬遷好俠不嫌疑漢廷人物嗤刀筆杜  
曲鶯花謝酒卮勤苦作家須健婦軒車已覺十年遲

黃子壽翰林

彭年

月夕過訪卽送之蜀

纖塵不著老萊衣玉貌驚看鬢雪稀同輩風流幾人在九  
達人事十年非青天遠泛愁淫預紫府空文惜少微從此  
庭階好明月爲君夜夜發清暉

齊詣長春寺散粥遂展施淑人殯宮

旭日麗山門寒烟淒木末嗟哉蒙袂士來作魚仰沐我行  
具衣冠頂禮爲菩薩僧伽謹候迎僮御竊怪咄亮言區隱  
屏誰識我心怛生初逢不辰糠竅幸存活百年弗逮養受  
祿每心割况從離亂來兵刃成攘奪衰憊就流殍豪壯亦  
袒褐神都依百靈焉護未災魃風聲連鶴唳窺覩笑狺獨  
夫何鷄與鶴往往在尅達官家有荒政茲事敢躡跋比來  
紛豆區良用助糴糴拱立戒嘽蹴親嘗防僮僮由來盡墮  
余亦爲缺麓糲額茲中買買豈不有奇拔繫從作黔婁白  
頭思襖襪支離詎中道微塵棲活芻百歲任風狂一朝悲  
雪沃絲營事齋奠悽惘到鈴鉞晨光逐歲蕤冉冉雙弓截  
魂兮儻來臨髣髴記愁頰燭灰人散盡梵宇忽空濶靈雨

灑幡竿庭楸下棲鴿

朝鮮申琴泉樸璫卿寄書問訊却寄代柬

挾策事干祿浮湛玷簪珥微生虛少壯多故乃撓世吾

皇軒頊姿文德照荒鄙十年身禁近進納愧埃泚前歲扈

木蘭雪深灤何浹歸來京陌走薜若東邦使夜雨滴空槽

春風送流水星移物又換淚血橋山趾 弓劍在霄雲

臯棲恨泥滓書來一展讀高誼崇遺禮四國慕華風文詞

祇虛美儒生重忠孝持底答筐篚 嗣皇繼聖出周召夾

漚凡江漢肅雄師旌旗正郊壘倉琅闥日薄苑掖虛班侍

吾國亟籌紆遑言隊羣屐別書所問海東朝日曠極望搏桑紫

卿雲信復日先晴長山起舊約惜論文相將缺端綺倒顛

方自公我客毋疑訾



奉題吳和甫通政同年 存義 詩卷卽贈

大羅高詠屬吳仙玉宇瓊樓閱歲年新  
蕩再持驚萬里舊巢渾掃在諸天  
奇觚笑我真窮術布被逢君似昔賢  
愁唱方回斷腸句昇平人物各華顛

贈陸眉生給諫 秉樞 赴豫南軍

燕市風流舊酒徒天橋泥飲醉烏烏  
浮雲閱世天疑夢苦舞傳觴客對癩  
他日論文懷玉局 己未春同分校禮闈 幾人高義伏  
青蒲澄清攬轡須公等馬革雄心祇自吁

禮闈三與分校重步聚奎堂韻

寂寂簾階蠟炬深經堂何意再重臨  
觀瀾幾日經滄海伐木居然又鄧林  
開徑勝流還雨集 同來者唯余與羅詩 禁烟佳節怕雲沈 是日寒食時方祈雨 新恩曠遇何由答  
唯有冰壺

一寸心

閨中夜雨追悼楊汀蘆陳凝甫兩亡友兼懷子儂

鎖闌風雨復春深定有雲車想導臨從古戰場多毅魄卽  
今迷鳥在空林棠梨寺館花新發鴻雁江湖影又沈官燭  
縱橫幾行淚宵來相對識愁心

閨中夜夢從子叔明時方自京師歸死粵中

汝來送我正間關我去心憐爾獨還

去秋余赴灤直到日姪自京師歸粵

那知成異物書來猶爲惜窮鰥一門強

近諸孤弱

前年從弟錫璋

錫雲錫恩今年萬里虺隤斗石慳

來京師以

痛絕玉樓知

有念片鱗荒棘照餘潛

閨中用東坡監試呈諸試官韻呈總裁並諸同人

釋褐星再周忝祿粟踰廩與時重磨礪識士貴異稟簪橐

本非才欲休懷幾稔何期東閣詔三竊南宮飲年時憶抱  
璞風味屢啜瀋登朝猶少壯當軸判流品戎馬十年間農  
田半逢荏屠沽盡除授偷屬况研審陵夷百事隳茲弊諒  
尤甚譬如同杼機良女出鮮錦佳庖千金饌詎可雜沙礫  
明良要得人往事嗟狂蹠 嗣皇伏工堯百族氣爲慄  
宮中堯舜出四海息波滄從來蠲宿桑自爾鴟棲樵仁賢  
必正笏矜獠悉端衽夙聞老司空道在啟沃朕羣公各艱  
試涇渭諒精論締繡氣先華膏梁味宜飪折衷要周孔作  
技豈潘沈日月麗重霄妖邪必逃寢唯蒙阜情學文字癖  
雕鏤一從遘時難去計繡口先噤擁鼓冀曹邱神鑑儻宵  
枕

十一夜月甚佳疊用前韻邀元卿作明日翁殿撰 同蘇



錢編修

桂森

高侍御

延綬

和詩皆至並訓

一雨勒春寒風威猶凜凜羔裘夜重衾將老歎衰稟曾經  
堂前月坐閱間三稔去年邸舍春獨作陳留飲可憐才命  
薄衫袖淚如瀋誰知和玉珍未與荆金品謂從子翩然貢  
篚陳歲月纔冉冉窮鰥百念灰歸老計彌審良時倏可乘  
奇數亦已甚明庭球玉登胡復瓦礫礮聞命走循牆羸屣  
懼顛蹶舊巢頻灑掃老屋自悽慄霄露下泠泠林烟生淅  
淅連楹密帷幕列樹疎柘樵中庭行側冠有客喜聯袂好  
修弗道予妄發定懷朕天闕望嵯峨高寒照心諭艱危常  
用食奔走亦宵飪恩遇許崔員衡裁接張沈忽思風檐  
客剖腹忘宵寢輪君連城壁壘駮不鏹鏹鷄鳴良夜深清  
味各思爨歸夢五色雲從天落孤枕

會經堂前地極閒，做分校事畢雨餘閒。步忽憶已未之  
春，與林穎叔侍御同來，有言此間宜植海棠數本。每  
歲會經人至，則花正開，因相顧笑。他日孰官京兆，當  
來踐此言耳。穎叔今果官順天丞，且不日以試事來。  
此爰作二詩責諾，並詠同人。

中庭一雨過，百物生華滋。閉帷坐經月，忽忽春已遲。步屣  
偶餘閑，悠然種植思。神仙想極樂，擔榼又花之。如何蕊珠  
宮，繞屋但荒枝。棘針滿牆頭，沙礫堆井眉。幽草開生除，還  
遭芟與夷。忽然憶橐駝，河陽適官司。行將阿殿來，堂皇獨  
踞箕。成林追昔言，爲我健步移。清和變節物，蟠根貴及時。  
此計當十年，天乎洵我私。高花倏在眼，旌節庭四垂。巡檐  
噪雙鵲，我心詎爾知。

櫛沐動經旬，袂袞生蝨蟣。文書遮目久，五色亂紺紫。爆竹  
聞溼薪，風埃况眯視。夜來新雨足，達旦意先喜。明朝官事  
了，天氣宜花市。獨愁婪尾春，零落幾鮮蕊。倒顛分溷菘，最造  
物豈其理。芟舍愛甘棠，芳華薄桃李。相期踐宿約，息壤同  
聞此汲井莫。汲渾植援戒，乘塊殷勤誠。漑浸華實良，可埃  
嗟我久思歸。頻來况衰矣，當前謀一飽。却老聊餐杞，晚餐食杞  
霞舫來都重，入翰林奉賀。

與君同澤又同袍，一別仙塵我意勞。四海交遊半華僑，百  
年身世各蕭騷。金門自辟神先王，玉署重登氣獨豪。愧我  
空名儕侍從，禁垣相望五雲高。時余在閣讀學任

寄訓蔣中甫前京兆時將歸粵

觥觥奇策進中興，一日聲名九陌騰。解帶萬言如子少，登



樓百尺記吾曾春來斷鴈猶題字冰底寒蛟待舉留湘水  
湘花獨歸去鄉隣誰共讀書燈

癸亥二月五日效朱子續斜川之會於松筠菴同孔繡

山閣長陳筱舫侍御

廷經

尹湜軒孝廉

繼美

吳和甫

侍郎林穎叔京兆趙元卿給諫王霞舉祠部楊湘筠  
民部集諫草堂拜手摹淵明像重和陶韻

百歲倏竟半吾生安歸休既無乘風翮胡不餐霞遊鴛策  
倦思林相攜嵇阮流願言釋夸毗浩蕩如白鷗昔有龍比  
士忠肝塗此邱行違各時趣俯仰同一儔我昧思頰毫一  
尊重舉酬瑩間太古春能似籬下不是日瑩間懸新得王  
載媿紫陽躅遜時成百憂咸豐癸丑將去京賢哉申觴樂  
葦瀆匪我求

喜王孝鳳武庫家業至都題其詩卷卽送之曾相國軍

十年不見王平子京洛重逢又別離湖海幾人天各異風  
烟如夢我猶疑周家王業思江漢楚國文章怨芷離半壁  
東南看反握晉公戎幕待軍諮

朝鮮友樸璫卿寄詩和答

瀕洞憂端孰可齊海天雲路欲攀躋最憐夢影空笙鶴曾

見邦人美玉犀與君相遇爲萬事會逢天道左百年堪逐

日輪西幘婁詩客勞相問晚出承明句漫題

禮闈撒棘分校諸君出闈聞會經堂海棠盛開

寂寂經堂五畝庭我來三度會談經居然勝事如人意盡  
說繁花得地靈桃李春風兩行拜江湖夜雨十年聽便思  
蕊闕成林日豔比南州蜀錦亭

楊協卿公子 紹和 奉其先甫治堂河帥墓田丙舍遺照

屬題蓋當時寄意者

百年風樹劇堪哀張嵩誰能破地來朱紱塵埃終古恨青  
山廬舍幾人開烏啼宛轉空遺曲鶴立崢嶸總異才我向  
畫圖纔識面歸心先觸越王臺

贈鄭松峯觀察同年 元善 卽送之山東

曲江鬢影倏凋零天地烽塵又一星故吏幾聞齊節鉞當  
關直合振風霆艱難運總恢炎祚悃悞人須重漢廷行矣  
東郊猶一障爲君留眼百年青

余旣爲大觀殘帖作歌後復借觀齋本重校數過於覃  
谿諸跋考證各有記錄而聊城楊念徽公子來都攜  
其家舊蓄東昌鄧氏所獲天乙閣中殘帖五冊與觀



齋本紙墨略同且觀齋本六卷右軍諸帖與余所藏  
八卷十卷中右軍大令帖多爲楊本所有可以互證  
因請於壽陽師豫期念徽各攜藏本走謁對觀時師  
直 弘德殿退食寓居西華門外之靜默寺中同治  
二年四月十八日也歸復作歌以紀其事並題楊帖  
及余本冊尾云

廿年京宦百無有攤書草市頻搜羅時耽古墨矜網獲夢  
寐往往懷虞戈翰林攻書行蠶尾千手一律無磔波高才  
間出洛紙貴好古又癖書成魔自從北學崇許鄭碑板亦  
復求太和八分以來變行草簡書作聖稱籠鷲秦人佐隸  
本取給胡乃高論援蚪蚪顏行受法自長史義手並足誰  
其多若論心畫貴神理蒼籀一脉含阿難育賁神勇疾撫

劍雷鳴鉢拳法所訶柰何瓌寶不世出傀儡木質紛僻頗  
昇元豪舉啟濟化侍書謬刻還遷訛流傳贗鼎骨筋絕遽  
使羲獻蒙謫訶早聞太清有遺拓優曇見比青珊瑚琳琅  
光奪楚人璞金薤秀出瓊山禾漏痕釵股倏隱現快劍或  
斫生蛟鼉開函每憶新手寫墨瀋尙濕晶丸螺宋閣化瀟晉  
堂寶賢研證悉券符一一窮纖縻第忘粕弁轉神王樂意自  
寫羣驚賦在場誤乃從舊說開禧作市重縷觀石邊泐處  
猶整好蠅頭識字疑按接觀齋夜靜虹貫月師門敢誇曾  
壘摩楮黃白與墨濃淡渤海有說原殊科孫氏聊城公子門  
剝啄千金駿骨銀鞍馱古印傳來天乙閣東昌百祀神搗  
呵楹書就中逞雄恠奕奕五編三軸輻對觀璧合與珠映  
恨不覃老重摩挲分明潭月印光彩詎免十一相蹉跎靜

默禪關成聚德眼前兵履忘煩瘥祇林得證始信果清涼  
世界憐剎那如來樹身本非兩獨我變見慙殊迦我師法  
藏警初祖公子又證羣修羅擔夫鬪蛇尤妙諦彈指顧見  
天龍梭揚本一爲大王書第八殘卷一爲小王書夜歸不  
眠失自笑弁州妙語情匪過微生屢觸玩物戒明鏡欲絲  
將柰何梁公縱不託華胄齊有管晏毋乃阿雞林乞書堆  
繭紙時有高麗人來乞書屏風僕睡愁墨磨孱毫趙董無一筆矧得  
年少如三河墨緣眼福聊自許一笑僞體重高歌

癸亥六月廿六日穎叔京兆招集高廟作歐公生日分  
得當字是日穎叔懸所得瑯玕山刻原本畫像夜遂

借宿官齋

十全天子留題字六一先生受瓣香川宗迪甫丈爲此會



好尋雙樹在幾人曾醉七峯旁  
文章中禁思公健風雨西  
涯笑容忙高廟爲李文正  
故址公西涯珍重涼宵投轄意  
不須車鐸怨

郎當

贈張文心

憲和

之官湖南海門同年子也

我笑黃花已過時  
強隨羣卉作新枝  
每從寒歲思松竹  
喜見光風動萑薹  
荆楚河山蟠霸氣  
瀟湘風雨泊靈旗  
何時歸引蠻溪櫂  
好聽遺民說領髭

送從弟桂浦南歸二首

汝來春始半行矣  
忽秋商羣從幾人在  
茲遊萬里強斷雲  
於越里寒日秭歸鄉  
到及梅花發東風早  
寄將

猶有陽山弟端居  
松桂林頗聞新病起  
休復宿醒侵世事  
還奕局鄉心時  
擣礎東華如問我  
晏退一廬深

寓齋雨後

孤館夜潺潺西風帶雨還  
短檠涼似雪高樹暗疑山  
海燕空遺壘墻花又弄顏  
餘生太道鬱不放鬢毛斑

友人索題范助教

志熙

仕隱圖

海內烟塵滿朝中仕隱多天  
心殊浩渺吾意惜蹉跎博  
士官原冷扁舟計豈訛  
銜杯逢杜甫風雨定悲歌

八月十三日以太常承祭宏毅公祠感而有作自春間  
官少卿及茲再至寺卿分獻功臣祠廟乃歲例也

仙掖簾開散御香近郊曙色亦蒼蒼  
一年原草秋風白兩度祠官我馬黃  
芒碭龍興悲猛士武溪鳶跼頓輕裝  
思量麥飯尋常事宰木猶能挂夕陽

蘇賢堂給諫

廷魁

來都有觀察赴豫之命奉送一章

徵車絡繹走王畿  
省閣崢嶸葆羽飛  
直爲裘衣勤吐哺  
漫勞繡斧動驂騑  
灌夫弟畜人先老  
汲黯廷爭世所希  
整頓乾坤濟時了  
歸心能忘峽山磯

劉嗣沂太史

曾

以玉堂歸娶圖徵題卽贈

小年一疏豔袁絲  
玉署仙郎信有之  
帝綠待誇才子筆  
妃青先播翰林詞  
鳳山科第飛鸞接  
天祿文章太乙窺  
試了畫眉還畫日  
看君博議冠當時

喜劉少寅

晉

來都題其所作山水便面卽送之官

木葉微黃夕照殷  
鄉心歷歷畫中山  
別來猿鳥猶相識  
亂後雲嵐只等閒  
絕藝諒因同少賤  
一官何以策衰孱  
播州政要劉郎句  
吳郡丹書指顧間

聞少蘭歿軍中



傷心少小同孤露送爾金門漸老僮  
潦倒琴書雙劍缺  
齟齬危戎馬一書生  
江湖萍梗悲身事  
風雨鶯花惜宦情  
作檄陳琳更誰是  
山陽聞笛獨吞聲

讀賡堂先生北遊草感賦

早日論詩識宛陵  
每吟高詠歎超騰  
別來天寶時多難  
老覺源明氣益增  
痛絕人琴懷舊友  
最難車笠得高朋  
欲歌石鼓嫌才薄  
雅頌誰能接中興

楊湘筠觀察河東卅年知好有不能已於言者

篠驂馳逐到衰蓬  
垂老翻憐酒易空  
四海英才收冀北  
一時譽望過陳東  
談天飽測弧三角  
畫箸重論地八宮  
往日溫溫須一試  
虛聲如我復何庸

送林穎叔布政秦中







贈張耘渠爾遼之官江油令作

種竹向南垣經年得叢篠其間藤絡角作勢頗天矯子來  
就我居窗戶悅窈窕能諧春庚桑詎厭秋蟲蓼風雪忽殘  
年關山向層嶠陽和方煦沫塵袂悉盪掃到日正青春將  
迎板輿道縫知慈母線拓作羣兒襪嗟我久思歸桓山獨  
窮鳥衰殘愁事會寂莫傷憂抱孤學早無成朋遊近逾少  
夙聞丁公山蚌質可扶老成陰會數畝其下盡珠草明年  
花朱纓竹里孤斟倒萬里望我岷思君一輪皎

龍壁山房集卷十四

庚申集詩 甲子乙丑

馬平王拯定甫

寄謝賡堂方伯次見懷韻

一會龍華渺世情常將飛鞚慕仙兄  
山中再起從民望日下重來重友聲  
天地風塵悲老驥江湖花柳問新鶯  
孤懷到處逢蕭槭大酺何煩憶漢卿

鮑君小山屬題所得惜抱老人舊藏黃鶴山樵山水幀  
瀟山雲氣接鍾山老子風流水石間何止影纓辭宛洛妙  
從豪楮接荆關參差巨壑長松見窸窣孤筇夕照還不負  
王孫夸宅相尙饒清氣照孱顏

六月二十一日晨起寓齋獨拜摹藏歐公小像薄暮元

卿見過歸而有詩作此奉酬

鍵關兩月篋新綠日日軒窗媚幽獨清晨自起索居情往  
日瓣香懷近局壽歐筵起光豐際丹泐賜廬名五福一時  
羣彥盛衣帽各有篇章粲題軸晨星落落兼人鬼浩劫匆  
匆已陵谷豈期被謫尙風塵獨對摹臨此冠服平生尙友  
從鬢引畫荻風流痛我蓼年時制草媿前徽老至歸田細  
遺躅晚檐弦月明蒼玉有客招邀喜楚足殷雷作雨忽掀  
騰奔雲隨風祇翻覆思論後會唯君在且喜新詩貺予辱  
詰朝請詰河上翁來約初筵同一六謂宗丈滌甫將  
自運河來觀也

題位西遺詩冊

不盡人琴痛空傳第一流斜行昏藥底疎雨小窗秋往日  
長安陌何人萬里侯吳鄉兵氣解錦字問勤收

元卿夜過寓齋



坐愛庭陰晚今宵復共君林煙清不斷竹露定中聞客思  
驚秋早詩情入夜分那堪歌水調將去惜離羣

病起偶成

吾生何善病銷盡百年心稍喜新涼健翻驚宿疾沈秋風  
摧壯士夜雨泣荒岑不爲逢搖落誰知我澤深

蚤日辭邨塾天涯橐筆遊琴書本落落班仗復悠悠老大  
傷孤寄支離重鮮儔春陵聞賊退歸卧榜吾邱

獨樹穿藤格羣管繞荔圍閒庭容灑掃隨意足芳菲宰物  
偏情忌般爾易願違園窺曾幾日寒葉亦華衣

一枕猶殘夢蕭然感索居衾帷愁掩閣門巷愧停車顧影  
嗟何恃升陽慶有餘青氈原故物燈火尙劬書

東霞舫老兄

與君文研接山齋  
亦載塵中百故偕  
薄宦升沈何足算  
孤生歌哭不堪懷  
常將舊事題寒燭  
薄有閑情寄折釵  
煮雪深廬好圓月  
此情能識阿龍佳

柬元卿給諫

平生冷落少年場  
豈有聲名匹鄭莊  
青史幾人終磊磊  
黃塵與子獨涼涼  
殘藥笑兀憐宵短  
淺酌摧頽笑甕香  
華屋歸來感疇昔  
那堪孤士又河陽

學書二首

我生百無能  
幼卽好紙筆  
就塾四五齡  
衣領翻墨汁  
歸來我母笑  
授我楹書帙  
大父嗟喜禪  
晨興把不律  
常從梵夾底  
退管冢餘乞  
家貧紙貴愁  
顛倒塗鴉壁  
老大歎無成  
思之淚承臆  
少年書蠹尾  
枉用空名飾  
簪珥逾十年  
遊時煩

羽檄昔聞金蓮華學士爲捧泣吾今更蹉跎短燭抱宵直  
多言成曠棄放意事書策巾箱餘捆束繆精色紛溢貴僚  
所分賜別殿雲龍質揮灑懼弗宜盈筐空什襲回頭髻鬢  
年愴惘不能述

吾聞書心畫神理乃攸託人心之不同如面別善惡丈夫  
古冠劍夫豈容造作雖然具矩規繕性宜有覺其中通聖  
域道藝本相若大原先正心時習博返約眞養得浩然塞  
充滿寥廓是由集義至襲取能附著嵇山賢父子高致歷  
東洛巖巖平原公精誠渺湯鏤雄姿發天秀剛勁鬱廉鏑  
觀其變化成一一出盤錯世人習脂韋壘悅競鏘鑿登山  
思响嶮嶮虎生拏攫風雲捩闔開造化由藁籥嗟余徒侈  
口孱力又晚學誰哉田舍郎叉手而並腳



自題所得王元章畫墨梅十二巨幀

吾先鏡湖濱梅里本鄉曲臥龍千歲姿道長目未矚記從  
置膠年泚筆見華綠言傳元章法偷弄愛尤酷回頭四十  
載零落悲風燭偶逢粥飯僧點染出冰玉時時竊弄筆餘  
習自童塾春來遊草市歲例銅街逐眼明歛蚰螻雲氣生  
蠅蠅東風毋破蟄鱗鬣宛踰空山太古餘霰雪滿層谷  
奇芬萬蓓蕾一一照巖旭何年此龍賓變化天池浴不然  
玉京樓飛來儻黃鵠人生一藝游天意若珍屬乾坤有清  
氣不受塵埃積呼來胡將軍何物危太僕鄉隣有童叟作  
技手生瘖豈無籬落精遠夢孤山足平生藐姑射寤寐神  
常觸高人車白牛淋漓此仙躅精誠感予貺張壁如有告  
歲寒我當歸丙舍泰山麓安知桃李華日日黃精廟

桐谷自蒲州牧來出近作率題卽用志別時乙丑之春  
行將乞歸矣

平生同有文字癖難忘東山一草堂詎肯隨人長作計相  
看如子早成章故交冷落悲師魯吏隱虺隤笑溧陽我自  
行歸問松菊期君到處種甘棠

蘇爻山孝廉同年

時學

來示所著書及詩

學海人來手一編光華驚喜萬珠船山深黃獨詩原瘦井  
洌丹砂夢欲仙新學儻迴元祐日高歌還誦永貞年鄭真  
漸老彭鏗死林越經生望子賢

桐谷書來示及王香圃刺史同年見懷有作

卅年赤緊聲名後倒屣相從氣韻真潭水桃花開歛曲陽  
春白雪笑風塵鷺有客未嫌時晚駿骨人爭說賈新安得

黑貂同季子醉看星斗插輪囷

劉韞齋太僕

岷

惠贈錢南園通叅

澧

所書楹帖

劉侯愛我如兄弟持贈南園訂座書常語每思前輩好平

生安許後人誣百年未死須當學

昔人語得閒便學除三

徑行歸且自鋤紫陌銅駝還信宿更誰醉墨灑龍駒

元卿齋中讀朱麋君

鑑成

詩卷

從古文人根慧業六朝裘屐漫相矜艱危作祖慙吾拙綺  
麗居宗問孰能大戟長槍甘潦倒好天良夜半曹騰平生  
我亦諸侯客爲誦君詩感不勝

僧忠親王挽詞五首

大野纏妖霧中原隕將星

九重悲肺腑廿四損儀形馬

草真豪壯龍髯極杳冥平生齋志者千載涕猶零



韋幹歸朝日精忠起程侯邊聲動死馬寒色看吳鉤磊落  
終橫海侏儻敢盪舟從來負遺策魏絳豈能謀

崔澤仍棲莽蓮池未薙茸郭門偏集鵬域內竟葬蜂在國  
愁艱步于林悵卽蹤天言哀慟劇西顧待臨衝

最憶龍環錫欣傳露布馳朝唯遵蹈履居不作山池攄驥

威靈奮槃鱗道路悲神歸參合壘能舍峴山祠南史齊安陸昭王綽

喪歸百姓緣沔悲泣設祭為立祠於峴山

繫我傷孤士維王眇世賢驂驪屯瀨岸薦鶚泣甘泉咸豐戊午

從王備兵潞河六月一日王入觀徒抱繞朝策

上垂問王以為人謹慎奮力辦公對徒抱繞朝策宋

春正王已奏帶赴津病不克從瀕行條陳四誰爭越石鞭

事尤以後路步軍為言王雖納之而未行也誰爭越石鞭

寓齋雜詩八首

小庭廣畝餘獨樹老而醜樹根一片石落卧亦已久京華  
數流遷蝸殼笑蠻貊謫居偶閒暇茲室特薜蒼晨興理僮  
約芟剔到幽蔀居然風日清瀟瀝卽窗牖雖非壺中華扶  
植儼响嘯筠清出瀟江桐直亦龜阜少無農圃學筋力况  
將朽登車空夙願一室忍塵垢悠悠桑下心漫惜愚哉叟  
丈夫志四海攬策思澄清衰遲厭奔走老我遺世情孤懷  
本牢落倖直勅承明庭中雞栖木風雪亦飽更念昔駕戎  
車年時尙豪英驅馳歷南北裂眦氣不平瀟岸失曹公山  
桑詩殷生生無燕領質豈有猿臂名歸來事書篋束手隄  
楸枰不學屢多言度詞謬騰聲微生際堯舜訣絕畏友朋  
晚暮亦何嫌蹉跎竟無成迴頭街西寺池柳變春鶯大捷  
奏東南天街鬧紅旌伊川猶被髮何日太原城留滯惜餘

光一觴壺自傾

桂嶺旣豺虎越溪又虺蜮十年淹兵革鄉土各荆棘承平  
歎華脂潛歟安可測所嗟名勝場千載一悽惻東南莽鯨  
翻流祲極河北戎羌况異類久矣爲螟螣標蓮事益奇燎  
原吁未息吾生磊落意晚至因家室鄰里盡蕭條甯憂吾  
四壁津梁走先勸儼屋苻容膝例奴殊未滅烈士敢思逸  
朽質原甘棄逃禪笑窮蟲歸築先隴存吾意且脩慝

洛邑昔多賢勝流今鮮存僻巷轅馬識數攜風雪樽依依  
晚花宅藹藹獨樹門深友小窗聚異書長夜論自時槃敦  
集繫我江塗奔流離各萍梗變化或風雲爲憶廣陵曲豈  
知湘水魂後來接衡宇寂莫餘張

海門孫琴西

太祝在街

西逶迤海王邨朋交託性命矧我厄弟昆江海晨星在遺



書誼頻申艱難師友間慚負心屢捫近喜鐵如意時來對  
清言閒園開獨樂晚暮獨相存欲去幾遲迴重留義或敦  
行將報數子四海一籬藩

西齋頗幽境竹裏風時至推窗足尚眺雲影愁無地窗中  
自脩潔書卷排鱗次雖無百城富一一儼標置吾衰早孤  
學獵涉空游騎物情旣就玩事實難求是遺經僅秦灰日  
月層霄繫伊何確紀述今古一邱瘞嗟余烏啣枝媿彼腹  
充笥餘情又書畫往往典衣致攜歸雪壁張脫略門前事  
飛騰暮景疾歲月成悲棄豈無文見道未忍儒爲戲數椽  
曾不識萬卷徒心醉日夕倦攤書西山聳寒翠

中庭何離離云是嘒嘒樹安知夷躡植好我清陰布拳枝  
時擬芟作實期秋暮豈妨秋鳥啄零落西風妬昔賢聞有

嗜舍瑟傳高度風浴自遐心胡歌倚其戶吾生感風木薄  
祿嗟何慕心傷鄰人撲夢覺庭烏哺比年一再剝顧影愁  
霜露稿先蒲柳驚疾甚烟霞痼海上有安期言尋撥烟霧  
餘生冀張嵩世事那容顧但恨多凡骨毋將困扉屢簾階  
蕤沈水黯黯花時住

生常不諧俗入俗輒多悔衣食雖長約恣睢厭財賄分無  
南畝資幸未北門餒獨嗟桂玉勞再值簾帷改晨朝自濯  
酒緋玉澹光采書帷懸舊繡顛倒移山海墻角卧山藟移  
根故車載枇杷花似雪留眼誰能待南楹啟軒窗日照春  
容驗巢空燕去乍網密蠹生每落月任升沈浮雲忽譽毀  
人生鹿門好獨力百爲怠乾坤一逆旅哀樂孰主宰  
繞庭思百匝負手且循階脩竹引新篁銀雲著翠湄言將

捨之去詎不情自乖藤格又已成作花裊鸞釵常時對俛  
仰風雨明晦借題石語後人殷勤護根荄西垣藥枝弱譜  
錄闕籤牌紅紫最丰茸彫零愁疾臙亭亭東箭姿位置各  
有諧燥溼苟弗宜爲容詎復佳朝來霧雨淖虹出晚有籟  
被濯願新陽將船潮港隈散帶湘羅繫我髮秦鏡揩歸歟  
行自築日夕儻有懷

題董雲舫比部

麟

所蓄王孝子自畫萬里尋親圖卷孝

子名向堅畫近石濤僧不爲三王籠罩此卷又其平  
生自畫著意筆雲舫精鑿多藏如斯巨製亦有幾乎  
時將出都倚裝書此

妙墨清湘欲比蹤滇山繭足幾千重畫禪虹月須迴首愁  
著歸心度萬松



題余生素樵所蓄石谷子摹王維春山雪霽圖卷素樵  
庚申通籍爲余所分校士假歸值豫捻亂結束鄉里  
出佐官軍事平復職曹署口不言兵性喜書晝日出  
此卷索題爲書二十八字素樵官職未劇乘此讀書  
力學以待時用不佞有厚望焉

馳檄歸來意氣平談詩讀畫最心清  
雪蕉舊本從君悟那得青山送老生

### 春光

春光九十過荼蘼桃李陰陰又一時  
天意未諳人事惜東風開落任繁枝

并問撩亂衰翁思大樹飄零壯士懷  
夢底疎鐘起何處夜深鷓語度空齋

出都有日及門余素樵本初吏部高兩人同善邊松君

其恆謝栗甫寶鏐戶部彭春甫葆初董鳳樵毓葆刑

部光吉甫熙全雨三霖工部徐季和致祥吳春海鴻

恩王玉文榮瑄編修宜佩青綬侍講慕慈鶴榮幹舍

人周子衡淦大令劉采臣鳳苞庶常會餞於龍樹寺

底須搖落問江潭自昔江亭繫客驂壯不若人身漸老樹

猶如此我何堪雲山萬里單車勸忠孝平生兩字慚合與

諸君重題記道鄉風月在湘南

濟州登太白樓

太白任城去騎鯨天外遊青天此明月長挂郡東樓我亦

辭金闕西風萬里秋登臨正佳節一為滯行舟

與滌甫丈觀察步登太白樓僧彌餉食再賦

龜符笑擲走京華采石江空日又斜  
水步來看沛州戶樓爭說賀蘭家  
神仙潦倒唯堪飲天地風塵且未涯  
竹杖芒屨聊主客寒山相對獨煎茶

岱頂宿日觀作

天門蕩蕩切層空漢武秦皇意未窮  
身到豈期霄漢立書投直欲帝旁通  
五更海日明窗几萬壑雲山俯泚濛  
手接杓衡斟玉女朝來觸石起元功

時方望雨

歸自秦安重宿濟州正誼書堂呈滌甫丈

高邱望遠海疲馬復歸來夢底誰相覺

先謂關里廟廷歸日夢身析爲二而

皆已死不

能自辨尊前猶自猜百年慙舊學千里動驚埃

時聞明寇警

日秋江泊相思畫角哀

展重陽日泊舟邵泊域作



佳節登臨慣，雨風時光追。惜幾人同九秋行路，猶江上萬里還家也。客中遠想高臺，臨戲馬迴思仙仗，在空同誰知。典午傳祠廟，白日橫江，感謝公。

舟行雜詩八首

亭午出國門，驅車倏西日。方舟橫沙岸，宛已就我室。舉室盡死生，緘勝半書帙。百年垂晚暮，孤子早思逸。栖栖白河塢，夜雨翻飄溢。平明見灞陵，故壘氣蕭瑟。年時仲宣遊，從事那足述。從容還善步，吐利忽興夕。殘熇逐途長，老至漸心怵。吾願幸未違，南邨有蓬葦。蒼山隣丙舍，眼底忽嶮嶮。升陽一苓藿，使我愁如失。

開帆潞河口，送者反自崖光子。

熙

去獨後施郎

啓宗

悲策

關憶昨江亭，揖一樽羣彥。皆踟躕別李息，肯惜乞我骸。秋

氣爽滄瀛獨行寡所諧言過海門市周落意殊佳細柳青  
絲障游龍紫金釵人家水濱樂清樾間疎槐獨慙燹餘墟  
遺甃走厓柴蘭盆倒蓮窩蕭鼓月明街晚泊東武城青山  
弔神媯雄風茂陵客遠想驚疾颯從來玉鉤怨空念舍人  
伴行矣倦關梁摧傷鬱我懷

晨鉦發將陵哺食過四女連鑣直漕舟清風吹綰羽裁舸  
昔銜尾飄零散烟艣啟閭絕通衛津亭日三五東郡再登  
臨居然未榛莽阿城十日泊新漲落洲渚艱難巧相值微  
倖神靈雨阻淺阿城小雨連夕黃河霜如何清汶流又奪  
戴邨隴牽舡方蕪谷盪陸復東魯年來多陵谷清濁互吞

吐何時問隄軌從事親畚杵一老駐河壩終朝閒刻楮頗  
聞時奔走無計相濡响風鶴起崇朝遙空照荒炬數窮時

乃至一昔羣艘舉我時方舍舟途訝流亡語晚秣沛州城  
人舟慶相迓平生百夷險忠信敢自許巖城夜柝清卽次  
且安旅

束髮誦孔顏老大傷無聞書堂夙齋沐紆轡魯國門朝拜  
琴車廟夕謁詩禮孫言訪築室場徘徊沫泗源泯泯悲身  
世歸塗自迷捫翻然振吾策東嶽勢雄尊天地罔胥極柱  
立終古存三日度金牛不知萬似親靈宮在山麓檜柏鬱  
輪囷淵谷踏青紅奔流挾飛雲梯空盤石磴豁達登天門  
天風浩浩來羣山已埃氛仙掌接我袂層關繫斜曛松聲  
引崖步落日投金盆夜宿玉池側杓衡酌前軒平明俯日  
觀東海隱波翻浴日上彩虹清朝露乾坤霞宮坐高閣縱  
目極無垠跨景憶飛仙臨風愁昔魂唯傷隔帝座眾壑列



飯尊

帝座旣云隔，神人渺難求。朝宇氣蒼涼，惜哉羸與劉。拂衣下天門，還駕騾赤蚪。丹梯仄危步，珠箔隱層樓。從師亮未還，飛虹裊靈湫。左右聞琴筑，參差夾幢旃。壺天默稽首，仙嶂自迴輶。馬跡度高老，羣龍忽相樛。雙鬟粲出迎，羽服凝方眸。坐我翠雲幃，飲之碧玉筍。言笑闢洞戶，揚塵指雲漚。吁嗟七二逝，寂莫方丈邱。靈真栖息在，振響茲瑟球。所恨晚知學，行衰髮先秋。安能讀鳥跡，長此清靜修。舉念自心口，翩然黃鶴遊。來朝揭汶水，迴首亂雲愁。

巖城隱霜角，言別賀蘭家。爲逐銜廬鴈，宵更宿湖涯。湖光渺烟水，清景漫浮楂。是時秋氣深，荷芰亂若麻。卻顧昨來徑，嶧滕雙鬢丫。行將五湖盡，八閩急奔窪。高浪落吕梁，蕭

然慨浮家清河履陳迹風雪昔買車少壯輕長路那知青  
鬢華淮徐天下雄古昔鬪龍蛇廣武發悲歎時來方叱嗟  
去去平山路縱橫蒼耳遮客懷誰可道衰草盡宮斜  
滄滄大江水百折到海雄五日守瓜步頽波吼長風隔江  
餘一笑蒼莽萬芙蓉東南兵燹來金粉沒蒿蓬孤光惜浮  
玉樓觀亦已空輕舸狎駭浪高閣俯寥松西日一倒射氣  
如五色虹中阿集鴻鴈秋壑偃魚龍可惜鶴銘殘波濤所  
撞擗詰旦渡江去悲生擊楫中牽江迷故路十里溯流東  
狹港入丹陽層關烈炬空兩厓愁極目惟有雪蘆蘂白骨  
翳榛藜青烟起埃堦灌薄春申宅鼯狸闔廬宮但於灰燼  
間時見石玲瓏想像笙歌日人家盡鶯權晚日泊胥門獅  
林一搯筇人生歎匪石清節聊可宗

昔者吳城住沈綿久牀蓐酸心剔目人乘化又風燭微  
大湖陰顰眉數峰蹙涼宵動躡魄衾枕耐幽獨最憶扁舟  
日輕橈蕩柔穀桑塍竹樹連隨意春芳曲何意風帆利危  
機驚咫尺衣袂戒不完笑問誰予毒嚴宵荒碕守霜敗惜  
書簏平生幾兩屐長物詎不足移舟小解艦星飯就溪餒  
沽酒酌斜陽漁歌起荒隩樓空烟雨寒水冷鴛鴦宿頗聞  
歲龍蛇杭越禍尤酷湖山無寸樹州里皆新屋微生愧家  
邦淪老先息軸聊將墊巾角歸對流亡族

抵杭州後覆檢舟中所作得絕句十六首

西風塵滌海門秋自倚虛敖汗漫遊不道移帆剛百里玉  
瓶盛酒在沙頭

陳抱潛權靜  
海不期而遇

欣賞贊洲絕妙詞太鴻流宕繫人思西沽嬾覓南皮宴估



船烟屯亂酒旗

小隊弓刀意氣親朝來相送汶河濱戴淵自喜文人拜不

覺江湖有賤貧

謂陳雲卿備兵張秋

舊里王劉衍澤長典型猶見魯靈光明珠老蚌分明在太

白樓前正誼堂

滌甫丈尚在運河道任官解信宿丈以暮年舉丈夫子三漸有頭角矣

故人開府齊東郡安定門風善飭身三代井田終古在幾

時杯酒更重論

與閻丹初撫軍遇於兗州

涑水橋邊問燹遺烈風雷雨百神司黃蕉荔子羅池廟父

老猶能說李儀

今年捻匪曾至雨懼而走近林人傳其事聖林值雷

支離風鶴沛州途十里長溝廢壘孤水月砒訶託聲影夜

深墻缺墮奔狐

自昔隋隄駐百艘十年荒牖倚歸橈估帆可有吳蒙在船

趨風多氣自豪

惜別鬢山涕泗傾清寒衣鉢笑平生岐黃喜見方山子快

馬輕衫事遠行謂陳六舟翰林

陵谷風雷幾變遷專車奇骨是鯁鯁世間大有垂綸手廟

貌何人悵跼鳶天妃廟懸鯁骨一具甚奇斯文襄祠類然廟側

三閘濤頭幾尺過我來奇漲已平波道途那得論夷險咫

尺風濤更若何天妃廟水今年大漲方落未久而過不意行出太湖至平望乃敗舟

滕嶧匆匆漫策駢廿年陳迹易斜暉灞陵醉尉何須問猿

臂將軍自短衣

欄檻平山竟孰存廢池喬木倒霜根陵雲載酒今何處多

事當時著鼻言

九龍山色碧雲秋燈火山塘記昔遊何止宮臺走麋鹿一

樽無處酌閭邱

迴首松陵十四橋  
鱸鄉幽夢最魂消  
遙峯清苦黃昏雨  
併入烟波盪晚潮

滿目烟蕪錦旆空  
東南劫火太匆匆  
戈船到處昆明隊  
夜寒刁急浪中

江路每夜戍舟更柝  
相聞皆湘楚軍也

淒涼放鶴迷荒渚  
掩抑明蟾泣弄珠  
唯有長烟冒長水  
人猶在輞川圖

自杭渡江山陰道中

自昔塵外客  
名山說剡中  
過江天宇別  
萬樹碧芙蓉  
暝色藏深隴  
寒煙壓短篷  
故鄉曾幾權  
爲客惜匆匆

蘭渚晚飯沈君田家

君家倚蘭上  
隣近我先邱  
屋後青筠滿  
門前碧水流  
親情



家釀熟世事亂雲收便擬精廬築南山惜未謀

### 禹廟

疏鑿東南此始終元圭帝錫想餘恫山川會計心何盡天  
地平成日已中百禩烏耘還燕噪二山龍卧屹穹窿狐邱  
咫尺重攜棹渺爾滄波一斷蓬

憇小雲栖和壁間楊古生太守

兆璜韻

湖山佳處忽通幽上冢船回結勝遊世外偶來餘浩劫人  
間何處是安流籠紗滿壁雲常在

寺中有王文成倪文貞劉念臺先生及國初諸

老遺

種綠當窗雪尚留可惜寒林花事晚舊鄉爲客感浮

漚

### 痛聞霞舫下世

我獨南行訪故墟歸裝暮雪野踟躕自崖千里聞嬰疾永

別無人爲寄書孤直平生常坎窞  
竊媿雛京國問何如與君  
異姓爲同命生死交情足愴予

歲除過江喜見琴西杭州以詩索和

衣裘嬾逐五陵車風止相看每座譁  
憶擲金龜在天上偶  
聽翠羽又湖涯幾人歲晚同攜醉  
十日春先未放花老大  
并離更惆悵百年身世一驚嗟

平望敗舟來杭州小住渡江上冢兩閱月矣旅病尙未  
成行偶登吳山慨然有作

東南形勝此江湖日日靈濤尙捲趨  
千載英雄須寂寞百  
年衰病幾踟躕心傷舊隴還雲樹  
目極新陽又葵蘆杖底  
疎鐘起靈鷲倚樓寒日獨斯須

丙寅開歲二日曉自湖上獨遊靈隱時自紹興還杭州

將趨常山未成行也

晚晴湖上路乘輿入山行徑竹燹餘活山隱春早耕野烟  
寒燁起破佛夕陽明猶有殘僧在深居似穴蟄  
不見騎驢客孤亭首重回冷泉原太古備嶂自飛來石氣  
青流靄溪聲靜轉雷巖扉吾舊識澗澗數松槐

喜見高伯平明經 均儒於東城講舍自聞君於邵子位

西及伯言先生及是始得見也

十載尋聲惜勝流宛陵不見召陵休羈孤薜若同孫楚風  
采傳聞又鄂州旅食空山隨椽粟湖天新暖浴鳧鷗壁經  
冢記分明在獨抱遺編細校讎

王芾南觀察 蔭棠以詩行贊愧不敢承奉報一律時觀

察方沿檄浙東



牢落平生墮甌餘故鄉登隴意何如豈宜禮數同南吉儻  
學軍門拜左車北海尊罍聊自許西河風雨惜離居來詩  
及  
同歲生畢侍郎及余禮聞於今四海皆膠漆單父鳴琴自  
所得士陳六舟諸君也  
有餘

杭州積雨未發伯平和詩與丁松生茂才鴻譚仲脩學

博廷獻疊韻並至

吳山夜雨漲春流放曉檐聲滴未休詞客有情翻郢曲旅  
程容易滯杭州十年夢影悲黃鶴萬里滄波信白鷗暝色  
一尊寒更峭重陰何事與花讐

將行留別武陵諸公疊前韻

錢王鐵弩壓驚流半壁東南慶少休新捷又聞馳北戶故  
鄉無計住東州羣公愛客勤芻飯賤子忘機到鷺鷗他日

騎驢容涸跡底須將相爲恩儺

滬濱陪顛訪溪丈 廣譽 再疊前韻

道貌知君飲上流海濱傾蓋獨休休  
貝宮奇觀嘉萊子鮫菜高風憶楚州  
莽蕩東南餘浩劫飄搖天地幾沙鷗  
巖山鹿洞遺規在巖室渾思一借儺

海舟觀日

黃金鑄秋橘大海帶春煙異彩方搖鏡  
長虹已控弦人心誰象此吾意欲飛仙  
卻念龍銜處扶桑一樹鮮

抵廣州作

秋風挂席又春波誰意滄溟泛一螺  
萬里重來消夏客十年一笑夢春婆  
臨邛令長偏相識朝漢樓臺嬾再過  
祇惜秣歸邨裏月照人鬢鬢幾蹉跎

贈筠仙內召

湖湘將相列城尊，君亦幢牙建海門。  
一諾我曾推季布，三年人尙視公孫。  
蒙衝鼓角森秋壘，歐脫雞豚卧晚邨。  
庾嶺春來容坐嘯，玉清歸認舊巢痕。

黃達三同年

家德

見示詩集中有都門見訪不遇之作

依韻奉酬兼悼霞兄亦君詩中所屢及也

平生俱糶幸無猜，唯有金門徑草萊。  
避熱晏朝常獨退，居深佳客不知來。  
海鄉道長愁酸荔，蝸殼平居夢瘦槐。  
燈影幢幢前夜雨，能忘竹里對樽開。

贈呂介存知事

廣治

論檄匆匆躡合并，強年離亂晚飄零。  
天涯有客方歸櫂，人世相逢漸曙星。  
野水裴回仙吏瀨，春風淪落子雲亭。  
遺經



有子還徵秀曾識當筵說甯馨

倪雲癯少尹鴻見示江邨唱和集卽贈

嶺外詩聲起二曹古來參佐幾名高漢襟一集君真健  
水聯吟客倍豪開寶河山生涕淚湘灘蘅杜接風騷如何  
不見朱公叔韓伯爲爾登壇奪錦袍

酬張仲純茂才集禧見贈

秋氣爲誰覺不知來夜分好詩堪當酒佳士每同斟露下  
寒蛩切宵深饑鼠吟余衰方塌翼期子振苞音

劉松堂觀察同年印星招飲未赴

少年曾作客日日酒樽間垂老經梓海滄時守杜關秋花  
愁隔面晚雨定醅顏聞道精元理相從許破顏

舟中贈子蕃觀察先寄子實桂林

長愧吳公識賈生素衣爲爾涕思橫關中長事堪袁益洛  
下英遊與士衡歲晚江塗明橘柚天涯風力壯鯤鵬歸舟  
郭李人爭望能已山原覓耦耕

酬陳蘭甫學博澧卽次贈行詩韻

穆清誰擬吉人詞遲放今年嶺上棧海月爲君思卻贈山  
雲笑我欲奚爲卽論文字真風雅祇惜江湖易合離歸去  
經鋤思耦力橫參相望是花時

十月廿五日廣州登舟從弟芝庭甯氏兩甥之曜之昕

袁氏姪樹菽送至花埭舟中九首

悵絕平生寶劍篇江湖回首獨悽然歸舟一繫仙羊石無  
復乘槎夢日邊

去年此日越王城上冢船移鏡水平何日扁舟更聽雨春

風蘭葉渚橋生

團爨燈火話孤須有約重來幸未渝歸去長頭還晚學敢  
將九辯續三閭

江千車馬豈名高驥足風雲願爾豪我有槐庭舊聞語贈  
君何止呂虔刀

屈指吾謀幸未諧乞歸猶及未殘骸東陽不雪般生涕自  
是羣甥意致佳

東南名勝數

上聲

扶藜湖海飄零幾賦隄珍重瑤華一枝在

勝他邀笛過青谿

谿

蘭甫學博  
盆梅贈行

烟雨橋門晚最宜見邨樓閣舊情移銜觴獨對郎官歎墨

本摩挲枉鬢絲

伍子昇郎中設錢于大通寺出  
觀藏帙郎官壁記尤難得也

丹荔匆匆聞綠橙柑香愁對夕陽明蘭臺往事分明記無



限傷心到魏城

歸裝重整斷殘多一息眞憐老未磨他日楹書付見輩瀧岡能得老龍馱

泊和尚石作

屈曲盤江水清灘挾與東兩崖青不斷百濱會其中落落松篁秀沈沈虎豹叢何年開石室雅化起文翁

過封川縣有懷

山城眞斗大十室倚山根水步排漁艇林霏落縣門漫天棲宿草何處覓羈魂不道歸舟晚江鄉盡燹痕

灘行雜詩十一首

灘江天下清樂水與之會百六盡危灘萬山中一帶我行冰井來沸鼎發空籟殘冬方潦盡水石濺砰礚何年朽龍

骨黝色夾蔥艾峻嶒鬻角具百醜形疥癩啾哉此江靈胡  
不毓珠貝屬雖到其乖猶作遺墟穢我欲刻之平狼亢笑  
餘蛻喧聲猶怒鬪犇性毋乃太歸人嗟肘楊霰雨空時愒  
水月望家山揚舲聊擊汰

烏龍灘

吾州界揚荆禹蹟疑响嘍百粵通秦漢郡符乃分割將軍  
何人斯神詎茲灘主聲靈猶赫濯震響聞戈弩毋將鳴勝  
意亦或逐奔怒樓船下瀨時嶺路未開庾豈其楊與路猶  
有精靈聚厥非邯鄲倡能繫蠻佗組功名祇時會睥睨雲  
臺武跼跼痛飛鳶叢祠蔽邛隴江山莽陳跡註調吾何取  
馬式想崑崙鉦鏡百銅鼓

銅鼓灘在潯州將軍灘

導江自積石厥下爲龍門黃流天上來眾水孰與尊小日  
談燒鯉奇情躍邱樊歸舟徒老大復落蠻溪村巨石獷誰

鑿東西儼列闔其中若天關浩浩雲雷屯瀑落濺驚濤勢  
疑萬谷吞騰空忽尾掉點額幾煩寃繫我本尺鷃槍榆笑  
籬藩飛行夫何常只尺化鵬鯤世無李元禮吾意且泥蟠

雲門灘卽  
龍門灘

粵山多戴石在水亦礫礪行行指昭州犖确路殊叵深濶  
既盤陀淺瀨復堆塚大爲磬磐據小雜員方楢或銛利又  
攢或角老犍坐或鎌腰鋸齒或矗立眠韞豈無文具玉亦  
有爛珠顥如槃如豆登如柎萼果蓏乃其厯落聞與水必  
春簸波濤所決盪往往沈顛爛茲灘又蛇長戢戢萬鱗卵  
兩舩聞擊篙跋尾復膠柀衰流况餘咫雷碾愁舟羸卻思  
范大夫行用爲夷舸

輒攬灘

江心兩巨石人立儼而峙纍纍百怪從潛伏疑鬼使其聞



歛橫壘出水矜爪鬣於人亦何懟跋浪意先喜我舟行百  
篙駢布鱗蛸跨舟人絕呼叫奪路從隋隄微生飽世途憂  
樂輒相倚好奇魂每驚脫險計胡恃隴坂說羊腸畏塗還  
在水誰能一叱壯九折殊未已

雞雁灘卽  
柳勾灘

偃仄復偃仄羣舟相尾躡中流祇一綫左右石擁挾崎嶇  
重崎嶇在水成陸涉舟擊石上過跬步殊窘捷我舟聲後  
前邪許每相接平波稍演迤曠望聊逞曉潮翻乃雷碾偏  
反愁一葉綠漪清卷底作勢銀花疊斜陽照耀之五色迷  
錦巒是時原燒作飛燄張楓櫺颺迴兩山間振響猶獵獵  
江行殊有戒頑俗尙獠獍安能殄豺狼亦使蛇虺惴遺子  
惜枯魚寒饑中有慄

閩母灘

羣峯方連狝盪激爲波濤水力乃如山崢嶸白浪高茲江

發海陽三湘實同槽龍行獨東下百節露雕屍毋乃天盤  
 錯不令一放豪深底露千尋淺湍輒兵鑿雖無谿刻性曾  
 不容鱗魴洞潭偶渟滑歎翕作旋鰲厥申所亭壽直恐為  
 鯨饕百級滔天色辟旋人可逃層渦踏車輪性命真鴻毛  
 下湫奔壑蛇上湫緣木猱人性本天出山川懼訾警臨風  
 望湘峽蘅杜滿靈皋上下

上下

昨舟度羚羊五兩冷風送西來又馬峽入峽忽如夢歸然  
 聯層邱躩立連霄棟雖微泰華雄勢已天門孤寒宵宿峽  
 中宛落醯雞甕仰觀參斗爛孰鑿天宇空朝來出峽舟遠  
 響忽如閩隩隈途屢折反側湫逾眾當其勢奔趨逆馬策  
 怒輕危舟篙檝廢羈勒不得控娘好重醪酹竊悔親玩弄  
 灑瀆吾未經客言此伯仲哀鳴峽猿聲迴首猶思痛馬峽

馬峽

醉灘俱  
在峽中

龍平一彈丸，翠地萬筵粲。江聲悲日夜，前後東兩峽。松林  
西杳冥，作勢宛如牖。其中明組練，劍雪開龍匣。東來客舟  
輕，風浪頗久狎。似聞年時亂，此路熟兌劫。山川所蔽虧，奸  
宄足盟歆。粵民盡南畝，樸陋唯畚鍤。輕客湖海來，荒隅輒  
興甲。皇興利守險，委棄資不法。江塗雖鞫運，民氣太空乏。  
歌吟愧塗澤，歸覓青峯峽。山根有奇澗，好作猛虎柳。

練灘

我昔溯雙江，春風吉水瀾。扁舟富春郭，秋色下巖灘。東南  
富名勝，少日輕流觀。遲歸山水窟，清夢未渠闕。江晚石岩  
巖，森森螺髻盤。林烟浮積翠，一角夕陽殷。川勢一縑山，碧  
波愁綺紈。空明指玉鏡，影落青琅玕。此境眼中足，伊誰釣



前灘誅茆此中坐一灑木石酸寂寞愧清景空江生暮寒  
楓木磯

清朝上黃牛

灘名在長灘下

橫軌疲峻坂雖無三朝暮相望輒至

晚金蛇與白鳥日日明在巘豈唯看九面直恐隨萬轉灘  
形下螭蛟屈曲勢蜿蜒拏攫四皆山重重作壓關山根六  
七疊入水又層堰巖哉魚躍登偶跌刺豚圜長繚出濱崖  
蛇行百夫趺千困真髮繫一落勢且剀旬月困鄉程蓬窗  
畫長偃雲屏露昭山瞻近忽又遠三復誦風詩唐華致翩

反長灘

舟過平郡灘勢稍平而奇峰疊起百里至陽朔間所謂  
桂林諸山天下之奇也復得四詩次於灘行

行程度昭山山勢漸如削蒼翠紛滿眼朝翳黑山郭寒灘

問鱖魚與發鱸香斫殘年識故墟燈火在邨落鄉隅孤陋  
慚所有獨邱壑每於佳處登獨力恨腰腳夙昔遊釣年飛  
行不知樂英英弧矢志遠舉期雲鶚竭來百不成歸路但  
衰弱白石與清泉艱難幸猶昨江湖分貧賤水石稱疏薄  
寒故幾山中餘光共斟酌

漢宮有扶荔茲地胡以名舟出五道梁中洪鑿石成村扶荔名

五道梁灘在焉荔江羣峯儼舊識拂面尙爭迎拔地故多

奇大都爲峻崢崢蒼莽連城勢離立不扶撐咄哉天挺性臯  
削復夔夔寸土絕憑依安得草木生寒椒間葱翠堅節櫨  
與耕過者目未見齋嗟乃恒情鞏也肆奇警綺紈胸未平  
不觀萬仞崖其下必濃潛龜魚畏清峭往往藏蛟鯨絕壁  
一茆茨構之誰氏氓傷哉亂離日洞壑紛靄毳老我足邱

整何心託吳僧

一峯旋青螺一峯起黃鸝一行馬載鞍一伏鳥就菴一容  
翔鳳鷲一猶踞虎豹一隆爲夏屋一覆爲員窳爲匡仙子  
牀爲交鍊師寵爲拊萼花葉爲數罟習罩或昂而上頰或  
僂而下頰或角或卵或鼎或踞或睨嘯盡形人與物厥性怒  
且笑羣灘若繚之欲鬥山嬋媿甌罌旣滄溢箕筭又虬虬  
牙攢猶子獺力猛狼兒獬甌管豬牙等皆灘名雅文所未釋桂勝才  
能要陳陳雖志詠碌碌闕名號誰爲南山篇惜未東坡到  
諸山最稱名唯獨畫山馬燕然遂遭剋厥有好事者風鬣  
與霧鬣數過獨眯哆粵山多奇勝誠不在埏冶譬如行苑  
國神驥布滿野豈其良樂至唯辨色白赭青青萬芙蓉三  
日蓮峯下娉婷圍四壁誰與一尊把問名山中客往欲覓



管賈管家灘賈家橋俱有名喧喧瀑布聲似說徐凝謾安得挾荆關  
隄糜百嶺灑

歲除前二日夜泊大墟雨中二首

倦旅歸林鳥殘年赴壑蛇灘頭風似剪蓬背雨如麻小市  
燈如豆鄰舟客當家鄉關餘地咫尺何意尙天涯  
萬里辭京闕經時駐海鄉川塗行有戒萍梗意難忘生死  
悲窮獨身名愧老蒼山齋能晚學松柏鬱相望

生

物